

小刀會

史實九條
鱗爪七則

小刀會事畧

小刀會者同安石兜社

同安志作錦宅人

黃得美為首初海澄縣民江

源與其弟發以無賴武斷鄉曲源歸自外洋購有洋小刀數百

柄編贈同類結為小刀會其脅力絕人其信其刀故又名雙刀會

黃得美有田在龍溪辭茂洲常受強佃抗租之苦越境控追

官不為直乃約族叔黃位

一說得美養子

同入會由是江黨漸盛海澄知

縣汪世清聞之捕江源江發置之法黃得美憤甚乃與位謀作

亂為源發復仇咸豐三年四月初六夜率黨破海澄時汪世清

方赴鄰封遊擊崇安營兵許某義民張香均遇害初十日破漳

州兵備道兼攝知府事文秀總兵曹三祝死之附近奸民聞風遂

起初七陷石碼初十陷長泰十一陷廈門十二陷同安安溪十三陷漳浦

十四陷雲霄及治安之銅山獨南靖以知縣馬逢皋力守得全其預於難

者長泰典史亢家驥漳浦典史潘振烈賊之據漳也肆意殺戮各

鄉義民遂奮起誓擊賊踞漳之第三日父秀子恩志入郡求父屍

鄉人感之遂賊復其城安溪雲霄隨失隨復十五日義民收同安

十七日復漳浦二十二日復詔安、銅山、常漳郡。初陷時詔安令趙中
川權龍溪令城守協饒廷選主守城賊遂一攻再攻終不能下。其入
廈門也，窺提督施得高出師巡洋。廈門空虛，遂由石碼率眾入城。
據其署，得高聞警，回泊中港，命遊擊鄭振櫻率兵二百往剿。
戰於鎮南，閩官軍失利，振櫻死焉。得高退泊劉五店。馬巷童
生陳潤渠素不羈，時方寓廈門，撰討賊文，編貼衢市。賊偵知之，
執脅使降。潤渠大罵不屈，支解死。後營外委許朝陽駕船
擊賊，陣亡於蓬礁港。得高乃遣偽元帥黃霸業偽軍師
蔡茂昭犯同安縣。十二晨入同安小西門，焚千戶署，并燬縣前七
星龜知縣李湘洲參將雅爾碩阿皆辟。城外民舍舉人某
甲僱鼓吹一部為賊前導。賊既踞城，掠財物募民家，有
軍器者充伍。閩人譚騷然於未卒人陳貫中紀鳴球生員汪
西之倡，力義團聲言逐賊，託言望祭郊神，即出走西門。
外田湖鄉而同安文武乃回城報克復。馬巷集

是時閩省上下游皆會匪，有紅錢會、開石會、小刀會、江湖會、衣會及

燒紙坐臺鐵板令草鞋令過江龍各色名目來閩兵外援內虛下游會
匪黃任黃得美起海澄陷漳浦安溪同安踞廈門黃有使江水林俊起永
安石碼陷龍溪平和詔安尤溪沙縣大田圍延平陷德化永春仙遊大田令
李文死之尤溪令金琳全家殉難臺匪戕臺漳令高隄飛嘉義令王廷幹
全閩騷動漳州總鎮兵郭仁布援楚歸令沈興化長福左右軍暨省標
各營進剿調楓嶺防兵移駐延平扼上游海口並守閩縣烏江古田水口改
臺灣餉道由五虎口至淡水廳八里坌以口起運裁留解部經費銀
九千餘兩運霞浦福鼎福安倉穀五萬石分省城泉州軍糧民食署
總督王懿德具疏自劾奏請廣東江西援師協餉並請飭部撥餉均不至
王靖毅
年譜

咸丰三年四月永安西林俊起事後為武生早蓄不軌之志及因官
事拂意遂謀倡亂黨羽甚眾先攻永春德化知縣中鴻吉逃走蔓延至
南安誘各鄉匪人入黨謀攻南安城縣令高元擊遁遂糾黨合攻泉城率
郡守與郡紳陳慶錦李崢嶸等合力固守城賴以全

南安縣志永
泰縣志彙

代理龍溪令蘇宗勤海澄令汪世清率民團並密約府幕李生

瑛等合漳郡紳士為內應擒斬賊首謝厚偽軍師陳金斗游擊饒廷選擒偽大將軍吳魁等師僧碧雲偽公姚添賀殺賊千餘漳州府城收復王清毅年譜

三年五月賊撲南平縣秋竹營圍延平提督炳文副將李煜延建邵道胡應泰戰敗之解延圍大田德化永春同安安溪民團獲匪首黃有黃霸業蔡茂昭林倫偽軍師林仁德縣城以次收復王清毅年譜

副將李煜延建邵道胡應泰進剿永安賊設伏擒殺衝散之擊殺二三百名抵沙縣城下典史江宿海糾義民殺賊開城沙縣克復賊傾巢至胡應泰李煜率兵勇力戰賊三百餘名生擒賊目五名奪回印信二顆並偽旗檄破無算賊乘夜收擾復擊散之收復永安王清毅年譜

五月十四日總兵呂大陞督官兵來援同安城中早無賊蹤而城外之賊聯絡士人張音邵敦洪甜楊聯胡孫軒等盤踞田湖社呂軍不敢過問馬金門兵單餉絀危甚馬港距廈僅七十里與金門同安尤洞唇齒士民聞訊大震奸民許欵葉行等通賊欲導攻金門市中一日鼓譟總兵孫鼎鼐縣丞郭學典召諸生林章棟謀之議先緩其攻無敢往者章棟

獨上書吏黃求偕行至廈說得美曰金門瘠苦區土著上戶無百金產下戶
無三日糧不足以供資斧得美遂無器取意章梗歸即稟商文武員
弁籌戰守方略於是紳士林可遠捐貲募勇置軍裝其弟外委林
榮邦營員鄭玉麟分兵堵截要害歲貢生林焜璜以品軍功許
侯熊廩生許瑞瑛生員郭以鏡許春奎等設局於城隍廟固練
丁壯日夜校巡侯熊又赴永寧各處賄米接濟人心始安右營守備
黃某恒怯昂龜即摘其印委把總彭奪超既受事安營于中港
口岸布置井然賊始知為章梗所紿遂遣其黨林沙等統戰艦
罕餘隻龍嘈十餘隻於六月十六日東流直抵後埔燃礮搥鼓
銳意來攻超奪先派一軍駐金魚尾自以榮邦等拒守中港
開礮轟擊賊不能近岸可遠章梗等督戰益力見奪超火藥
垂罄急運以濟諸軍胆氣愈壯侯熊焜璜等復以練軍守後豐
港通潮漲不得渡賊以龍嘈迫岸侯熊重賞小船急渡既抵港
開大礮奮擊之賊始退先是許款葉行等所集之黨已為我軍
招充練勇擇親信者監之故內應不得逞其由金魚尾來犯者

將欲登岸官軍突然橫擊連斃數賊遂潰返航欲遁參將林
向榮督千總薛師儀林向日把總陳登之爭先堵截前後夾攻
而林向榮乃以巨艦犁撞賊艇首坐船沉之是日殲賊數百燬賊船無算
生擒林沙等七十餘名誅之黃匪倡亂以來四出剽掠徑此大創氣乃
稍餒

馬卷

海澄賊撲金門進犯舟師提督施得高率金門護鎮孫鼎鰲
截擊之斬賊三百餘名生擒賊目林沙林桂並夥賊七十餘人獲賊船
一沉其

王誌毅
八年譜

御史陳慶鏞奏福建賊匪情形畧云福建下游賊匪其船改犯廈
門由官兵之素領以力合者與為內應同安縣知縣李湘洲有走匿情事
現在同安西界多半從賊廈門為全省精神急須選擇紳士名
集馬港義民三四十人一從到五店連渡五通一從同安前往官渡
到處設法解散即以紳耆為嚮導並知會水師兵船駛入廈港
賊必聞風逃回海澄各處仍令紳士勸諭使之互相疑忌自當迎刃
而解其上游賊匪大都起於邵武建陽順昌崇安將樂沙縣等

處其賊匪有衣扣髮辮等暗號並有燒紙生臺小會及鉄板令草
鞋令過江龍各名目其汀州之江湖會匪亦略如生臺之會聞有
著名金目廖彥如充當縣役等事其在舒武入會者与江西寧都
賊眾嘯聚於長汀瑞金交界之黃竹嶺地方尤廣山匪至臺溪
土匪於五月十二日攻台溪府城經商人等登城拒守並合民勇殺
賊五六百名知府裕鐸自出家財助餉其在臺之商郊各幫與
現赴天津之台商各船均各踴躍捐餉以備軍需現在鳳山縣
有遊擊曾玉明守住火藥局被賊圍困救兵莫達賊目有許
林為渠魁吳王二姓為主謀云云奉諭前有旨令有鳳馳往
福州署理總督籌務此時如已抵閩即着^王懋德与有鳳按照
該御史所奏查明籌辦該御史又稱臺灣在籍前任禮部員
外郎鄭用錫候補主事施瓊芳候補道林國華道職林占
梅均堪辦理團練勸捐事宜着該署督等諭令該紳士等
或捐貲助餉或出力督團但使地方肅清必需優加獎勵至
該御史前保晉江監生丁拱辰現寓廣東着該署督咨催迅

連回閩以備調遣其所刻則先錄等書即由該署督附摺呈進
以備採擇

東華錄

上諭前有旨令葉名琛等雇募紅單船派南澳鎮遊擊黃
開廣管領由海入江聽向崇調遣現在福建漳泉會匪滋事廈
門失陷黃開廣統帶師船必直往福建如廈門海面有賊船昨
駛即着協同該省水師併力攻剿仍行前赴江省再朕聞署潮
州府知府佛岡同知吳均管帶潮勇素著恩威前辦惠州盜賊已有
成效前任海澄鮑浦司巡檢章坤人頗強幹能取梟巢現寄
籍廣東為吳均所識潮州毗連漳泉着葉名琛等即飭吳
均與章坤帶領得力兵勇馳往會剿現在漳泉會匪初起出沒
不意迅速掩捕而可及早撲滅否則滋蔓難圖矣

東華錄

興泉永道錫蕃參將韓嘉謨赴劉五店會同水師提督施得高

進攻廈門總兵郭公布參將林潤遷延不進賊向洞道出劉五店後

錫蕃會水師進戰林潤崇應賊倒戈錫蕃腹背受敵大敗以舟師

先奏効郭公布林潤林向崇均革職

王清敬

(案馬若集言參將林向崇在金門擊賊立功此又言倒戈革職前後判若兩人)

賊據尤溪山頭寨都司顧飛熊擊敗之賊首林俊被擒逸擒偽
將軍蕭虎偽軍師僧阿金獲玉牌偽示林俊竄黃新口參將李煜
復追敗之竄二十四都

永春州牧崔州獲首逆林俊父捷雲誅之

臺灣副將曾天明都司凌敬合同副將呂大陞擊賊於嘉義
大敗之收復縣城獲偽中路元帥曾難角偽軍師吳海偽先鋒石乞
食服首汪大忒正法以上王清
教年譜

七月官軍克復尤溪右
編

御史蔡徵藩奏風聞臺灣府城被圍請簡員解散畧云此次匪
徒滋事臺灣鎮並不親行僅委縣令合同守備孟浪前驅以致被
賊戕害現在直撲府城鳳山縣屬亦被賊圍奉諭前據王懿德
奏臺灣道徐宗幹與該鎮恒祐意見不合當將該員等交部
議處以責令該鎮道迅將滋事各犯拏獲現着該署督卹飭
令澎湖協副將邵連科前往臺灣會同恒祐等相機妥辦現在
漳泉二屬雖漸收復而合匪盤踞廈門亟宜撲滅崇泉永道趙霖

才具是否勝任並着該署督察看據實具奏

東華

黃西之初據廈門也有賣卜者洪甲同邑洪厝鄉人詣賊營上策畧云漳廈悉濱于海宜整水軍以圖遠幸石碼福和船廠向在官府造船之區宜速採龍邑大木趕造船隻以資水戰水戰有具則晉江南安唾手得矣粵西洪偽王已據有東南諸省宜亟遣使賈道表遙結聲援庶能亡一旅之功由浙溫處贛閩則省垣先為我有省垣得而臺灣可圖矣擇精之供毋取乎巷捐戶派傾李林二姓家資足經年食矣種之博論頗足欽送及見黃位長揖告坐自稱山人位唾其面逐之後為參將蔡潤澤所得禁於坐室不知所終

廈門水陸四達被踞稍久嘯聚日盛巡撫王懿德奏起前提督水師世襲壯烈伯李廷鈺督師討賊廷鈺長庚子也久歷戎行諳知兵及是以韓嘉謨陳上國蔡潤澤為偏裨遣吳鴻源治水軍樹毒縣之日獲通敵武舉黃達日斬以祭七月二十三日由鎬江濟師二十五日進兵金瓜亭迫至灶賊營破之斬偽元帥黃潮擒黃英梟其首黃位等僅以身免時賊股狡甚每遇官軍進仗輒有西路賊

從西孤璋基內岩山邊岩突出衝擊是鉅患之於是析軍為二營
於南路營居安以分其勢又令吳鴻源督水師由北路專備水難腿美
頭社杜賊橫衝自是中路得進攻白鶴嶺溪岸盡虛渡夫深
田內靖山頭花園等處遂拔金榜山蹂將軍祠燬美頭社所披靡
賊氣奪語其堂曰他日官軍再捷吾當讓之既又潛結漳浦雲霄
紅白旗匪詔安馬巷善為鑲匪為負隅計旋以曉集賊陳自來廖
有才被擒再戰再北欲夜遁不得脫王馬巷集及古勢等編

八月由延平永春竄陷仙游

王馬巷集及古勢等編

調署四川總督慧成爲閩浙總督未到任前仍以福州將軍

有鳳署理王懿德交卸閩浙總督篆旋出師由興化之泉州

王懿德身漢

飭瑞文守永春白鶴嶺賊至瑞文走仙遊陷草瑞文職遣都司

陳克標遊擊周兆麟進仙遊保興化敗賊林度於楓亭

胡應春守延平克沙縣平古田德化軍至以永春收崔洲為

嚮導取白鶴嶺進剿仙遊斷賊歸路

林俊黃有使丹臨永春州遊擊恒勳都司暨青雲死之再臨

德化知縣蕭懋烈死之今匪陳湖南犯仙遊再陷大田

王懿德駐軍泉州李廷鈺率族眾數千轉戰文姓埔將軍祠金雞

剿匪

亭薄廈門城下屢戰皆捷奏請飭辦同安廈門事宜在事小陸將弁昂
節制以饒廷選任漳州鎮並擊賊踞廈門漳道梗廷選歷危險數
戰至漳州兵餉西窮聯絡軍民固守

九月廈門提督施得高德兵陳鼎鰲率水師守鼓浪嶼斷賊
餉援陸兵設伏獅山奪據塔厝美頭險要李廷鈺呂大陞率師由
北路越西山白鶴嶺通鎮南閘子爵侯選知府王朝倫自南路越
西山頂寨仔山駐軍閘下擒賊目陳盤水軍獲賊船二擒賊四十餘名
施得高督戰失足落海以救免陳鼎鰲並節制水師

林俊糾匪萬餘圍陳光標營仙遊縣勇內安光標逃仙遊令黃
際虞把總陳文銓毛振陞被害賊踞楓亭

林俊迭改興化舉人張大原率子尹仲集義勇殺敵三百餘名生
擒七十餘名繫坐轎賊目擒偽軍師僧人獲金簿符袋義民許捷
而傳送賊匪數百名正法賊竄永福以上王靖毅年譜

命陝西直御史陳慶鏞回福建本籍辦理團練各事宜調廣東兵二千五百名赴福建剿賊撥廣東銀二十萬兩廣東司庫銀十萬解往福建以備軍需東華

十月賊據廈門援絕餉斷王朝翰約晉江生員呂垣內應呂大陞率兵銜枚由山徑斬回入水師千總胡廷陞拔幟先登賊首黃魯黃位焚提督署來烟竄于海舟師追之生擒擊斃逆匪數百名賊首黃得美竄伏石兜鄉鄉紳氏擒以獻誅之廈門克復王法毅
年譜

十月初八日李廷鈺移師溪岸北軍薄貧雷港南軍迫鎮南閭賊拚死很鬥血戰一晝夜我軍莫不攘臂爭先呼聲動天地士日昧爽由東門駕雲梯肉搏登埤乃股首詹泉陳興於譙樓賊驚潰黃位獨竄西門出乘海艇逸去得美匿烏燕橋十日錦宅鄉耆紳訓導黃倫生貢黃燕黃永福梧等懼聯誅及乃縛得美及其叔黃光著即大著股匪黃光揭以獻磔于廈市籍其家得財產數萬圓妻妾皆戮惟黃位竄安南不能

獲是役也閱七十三日歷四十八戰擒斬及墜海死者以萬計十四日
廷鈺傳檄遠近明日海澄石碼賊即棄城走長泰琯溪亦次
第收復餘賊悉及正同安田湖鄉賊就擒稍後然黃霸業蔡茂昭
等均擒斬無漏網小刀會逆告肅清焉提調授廷鈺廈門提督
各官升黜有差焉

漳州知府王廣業兵抵海澄約貢生王家仁內應海澄石碼

六次第收復

王靖毅
年譜

臺灣鎮道恒裕徐宗幹合奏粵艇盜匪疊在內地各洋割
據徑淡水鹿同知張昭煊安平協副將吳朝良督飭員弁紳
商義民分路搜捕先後擊沉賊船擒斬新梟首從九十二犯
起獲銅錢大破六十五門搭救商漁難民無算

斯未信
尙素摺

黃位之將此也昇出大藥一桶眾眾百餘人告曰

至此我將聽令於天兄們各燃香一炷揀桶中如我等命該盡火
藥爆發共殲焉豈不痛快如我等不該滅亡使當殊死一戰眾諾
次第揀香畢香燭而藥桶冷寂眾歎呼遂突圍而出後悉昇
出者草灰耳非火藥也其機智誠過人矣

李鴻章
稟奏
間傳說

民間傳說以乃公戰績在漢武亭前海上與官兵水師鏖戰三晝夜

十一月匪首林俊尚踞仙游呂大陞移兵仙游約鍾寶三由興化夾擊寶

三不至林俊竄晉江南安交界之雲峰鄉伏賊萬餘要大陞于中路大陞由惠安

北鄉轉戰團練劉應泰出助乘夜掩擊之賊大敗十八日復仙游俊至南安始

匿七都黃姓健匿潘鄉其兩姓助匪者有潘宗達潘榜黃廣章黃天佑

黃早等為倭游說當道不與繼創反賞給以品頂戴王清毅年謀害擊偏

林俊回德化拒虎豹閩鍾寶山約呂大陞由永春援德化中途敗于賊游

擊王應選都司朱起釐陣亡大陞兵至賊復撲寶三營大陞令都司陳

上國馳救大敗之永春洲收崔洲永定令吳珣昌守省歐陽斌率義勇

摧虎豹閩不克初昌以鄉勇二百名為嚮導由閩道攀蘿上焚賊

寮賊棄閩逃義勇響應復德化焚烏錢會首陳湖生擒偽軍

師和尚丑賊目陳慶餘林榮揚新潘某陳溪周登誅之賊首林俊

童森周玉英來閩王清毅年

巡撫王懿德班師回省特疏荐副將呂大陞游擊饒廷選効鍾

寶三進呈晉江縣監生則克錄傳破圖王清毅年

十二月林俊竄匿永春安溪漳平交界之覆鼎鄉帽頂山築

寨七糧勾結晉江大羅等鄉匪徒圍攻仙遊固模府城古學編

王懿德由興化旋省界尾塘邊等鄉白旗逆德係事度敗官兵古學編

四年正月以接王懿德奏先德德化縣城奉上諭以王懿德為閩

浙總督呂佺孫為福建巡撫東華

二月匪首王友蘇篤等踞安溪地界古學編

撤浙江援閩兵歸伍以王懿德兼福建巡撫王懿德

三月官兵攻破帽頂山寨林俊匿南安鄉並窺至永春都溪地方

未知下落或云往投烏白旗或云欲結晉江土匪攻撲泉州或云欲圖

下海附合黃任寶匿晉江南安仙桂交界深山中又匪首林亮陳

檣等滋擾永安交界各鄉古學編

王懿德奏逆匪滋事其全力在廈漳延平而沿邊邵建汀各郡羣

匪亦皆乘機竊發上年五月邵武建寧交界之牛欄坑苦竹溪各山寨

伏匪監旗起事經邵武縣郭為辰建甯縣蔡聲修會營剿捕

斃匪多名擒誅賊首匪氣始熄汀屬又有江西廣東賊匪湧入境內

糾眾搶劫經武平令陳在奎上杭令王聲謙會獲匪首劉四麟劉三麟